

www.BibleForChildren.org

Matêwre 8



Tã nhũm apkati axkrut nẽ hapêx nhũm Jejus arĩ Garirej kamã pa. Nhũm krĩ pê Kanã kamã axpẽn mã wahõj wa rer kaxyw nhũm Jejus katorxà ma mẽ hwỳr mỗ. Hãmri nhũm mẽ amnhĩ wỳr Jejus mẽ hkôt ri mẽ ixpa xwỳnhjê wỳ pa mẽ ijaxwỳja ma mẽ hwỳr mỗ nẽ ra mẽ hwỳr pỏj.



Hãmri nẽ mẽ hkôt wa hã ixkĩnh nẽ apku nẽ wĩhti hkwỳ
ho ixkõm o ixkrĩ. Tã nhũm ra wĩhti mẽ kêp hapêx nhũm
Jejus katorxàja harẽnh ma nẽ Jesus mã harẽ nẽ kãm:
—Xê Jesus. Na xep ra mẽ kêp wĩhti hapêx pa. Xàt ka
tanhmã mẽ ho ajuta hto mê? Anẽ.



Hãmri nhũm katorxà kuma nẽ mẽ kãm mẽ àpênh
xwỳnhjê hwỳr tẽ nẽ mẽ kãm: —An koja Jejus mẽ awỳr
tẽ nẽ tanhmã mẽ amã mẽmoj tã karõ hto ka mẽ ama
nẽ kãm ho anhỹr kurê kumrẽx. Anẽ.



Hãmri nhũm Jejus tẽ nẽ omu mẽ àpênh
xwỳnhjê mã kãm: —E mẽ ma mra nẽ gô ru
nẽ ho poti kuhê mũj piitã ho nýt pa. Anẽ.
Nhũm mẽ kuma nẽ ma mra nẽ ho nýt pa.



Hãmri nhũm mẽ kãm: —Nà hãmri. Pãnhã
hõ kamã gô hkwỳ janhi nẽ o tẽ nẽ mẽ anhõ
patrãw mã agõ kê hkwỳ ho ixkõ nẽ kamã
ama. Anẽ. Hãmri nhũm mẽ mar xà hkôt
kãm hkwỳ janhi nẽ hwỳr o tẽ nẽ kãm kugõ.



Nom nhũm gôja arĩ kêp gô kumrêx kêt nê. Jejus kot tanhmã ho jakamã nhũm ra hpãnhã kêp wĩhti. Jakamã nhũm mẽõ patrãw wỳr hkwỹ ho tẽ nê kãm kugõ nhũm hkaki nê kamã ama. Nom Jejus kot gô ho hipêx ã omunh kêt nê. ãm htỳx ho wĩhti kumrêx ã hkamnhĩx nê mex kumrêx ã hkaki.



Hãmri nẽ amnhĩ wỳr mjên nyw xwỳnh mã hpa ho apê
Nhũm hwỳr tẽ nhũm kãm: — na htem wĩhti mex o wa nẽ
mẽ kãm kugõ hãmri nhũm
mẽ hpenh pa nhũm mẽ rĩ
kormã hkôt omnu ho hapu
nẽ mẽ kãm kugõ. Tã ka
pẽr mẽ axtem nẽ wam
mẽ kãm omnu nhõr pa
hãmri nẽ kormã
mex kumrẽxja o
hapu nẽ mẽ kãm
agõ. Kêt wĩhti
ja na mex
kumrẽx.



Ãm mex o mex. Anẽ. Jejus
kot gô ho hipêx ã omunh
kêt jakamã nhũmã kãm
kapêr anẽ. Ãm mẽ àpênh
xwýnh pixjaja na prem
ja hã omu.



Nhũm Jejus kormã mẽ kãm aa mẽ kot mẽmoj
pumunh kêt õ ho anhỹr kêt tã krĩ pê
Kanã kamã ã mẽ kãm amnhĩ
nhĩpêx anhỹr o hkrax. Jao
amnhĩ to rax o amnhĩ to
rax ã mẽ inhmã
amnhĩ to amnhĩrĩt.




Pa mẽ ixpê hkôt ri ixpa xwỳnhjaja
ã kot amnhĩ nhĩpêx anhỹr ã
omu hãmri nẽ kêp Tĩrtũm
kot mẽ pakaxyw ãm
xwỳnh ã omunh
kurê kumrẽx.



Tã nhũm Jejus ma Simãw Pêtre
nhõrkwỹ hwỳr tẽ nẽ hwỳr axà.
Nhũm Simãw Pêtre xupãnhgêx ra
à nẽ hkà kagro htỳx nẽ nõ.



Hãmri nhũm Jejus hwỳr axà nẽ omu nẽ ãhkra hã
kupy nhũm hkà hakry nẽ akupỹm hihtỳx kurê
kumrẽx. Jakamã kànhmã nhỹ nẽ mẽ kãm mẽõ
hã àpênh o ri mra.




Tã nhũm myt axà nhũm
mẽ ohtô nẽ Simãw mẽ
Andre wa òrkwỹ hwỳr
mra nẽ hakwakrem
Jejus ã akuprõ. Nẽ
amnhĩ kôt mẽ à
xwỳnhjê ho mra.
Nẽ mẽkarõmnuti
kot mẽ hwỳr gjêx
xwỳnhjaja nhũm mẽ
hwỳr mẽ o mra.



Hãmri nhũm Jejus mẽ omu nẽ akupỹm ahpỹnhã mẽ
piitã mẽ ho mex pa. Nẽ mẽkarõmnutija nhũm mẽ kurũm
mẽ hapôj. Mẽkarõmnuti kot kêp Tĩrtũm Kra hã omunh tã
no nhũm kapẽr nẽ mẽ hkurê nẽ mẽ hano nhũm mẽ
kapẽr kêt rãhã mẽ kurũm hapôj nẽ ma mra.



Mě kot kapēr mar nhũm kot akupỹm mẽ ho mex kaxyw
nhũm prem ma hwỳr amnhĩ to pa. Mẽ hkwỳjaja tanhmã
ri à kute. Nhũm mẽ hkwỳjaja mẽkarõmnuti kot mẽ hwỳr
gjêx xwỳnhjaja nhũm mẽ piitã ma hwỳr
amnhĩ topa. Na prem
ra amnhĩ kaxyw kãm
hamaxpêr o: —E pa
ma hwỳr tẽ nẽ ãm
hkupênh pix tã
akupỹm inhmex
japêr. Anẽ. Hãmri nẽ
ma hwỳr mra nhũm
mẽ omu nẽ Tĩrtũm
xàhpumunh tỳx o
akupỹm mẽ ho mex pa.



Hãmri nhũm mẽmyjaja kêp kwat nẽ ã
kamã htyk xwỳnhja mỳ nẽ Jejus kot
ho mex kaxyw hwỳr o tẽ.



Hãmri nẽ tee ri hã mẽ
pikuprõnh rax xwýnhjê pumu
nẽ nhỹhỹnh kot hwỳr o àr
kaxyw tee ri amnhĩ kukamã
ho ukapi ho pa.



Hãmri nẽ hamaxpẽr nẽ ixkre nhĩmõk
po hwỳr ho api nẽ himõk kwỳ grà
nẽ hkõt ã kamã htyk xwỳnhta
nõr xà mẽrohã hkõt
Jejus wỳr haxà.



Hāmri nhūm mē kot kaxyw kām hamaxpēr tỳx ã
mē omu nē ĩ kamã htyk xwỳnhhta mã kapēr nē kãm:

—Pa? Kwa tee ri amnhĩ
kukamã ajamaxpēr kêt
nē. Na pa ra anê ate
amnhĩ tomnuj piitã ho
ijapêx. Kot paj axte
kãm ijamaxpēr kêt
nē. Anē. Anhỹr o mē
kãm kapēr hāmri nē
ĩ kamã htyk xwỳnhhta
mã kapēr nē kãm: —E
kànhmã xa nē anõr
xà mỳ nē ma akupỹm
anhõrkwỹ hwỳr tẽ. Anē.



Tã nhũm mẽ ra xarmã nojarê
nhũm Jejus mẽ hkôt mẽ pa ho
mẽ pa xwýnhjaja pàr wýr agjê
hãmri nẽ himô raxja ã ma
xarmã mỗ. Hãmri nhũm
Jejus ra õtxwanẽ ra gõr
nẽ nõ. Puh nhũm naja
hkoko ho mỗ nẽ kôk
xàpêr tỳx kumrẽx.




Nhũm gô kànhmã harĩ nẽ axpẽn
tak tỳx nẽ. Xatã axpẽn tak nẽ
pàr kre kamã axkapĩ nhũm ra
àr o mỗ. Hãmri nhũm mẽ tee
ri omu nẽ kãm ma htỳx
kumrẽx. Nẽ tee ri amnhĩ
nhĩpêx. No nhũm Jejusja
htỳx gõr nẽ nõ.



Hāmri nhũm hkrākato nẽ kànhmã nhỹ nẽ kôk mã
kapēr nẽ kãm: —E kwa hāmri anhĩkrê. Anẽ. Puh nhũm
hpinhkrênh pa nhũm gôja tãm nôr kurê kumrêx. Hāmri
nhũm Jejusja hkôt mẽ pa ho mẽ pa xwýnhjê
hwýr apkjê nẽ mẽ kãm:
—Hêxta waa nẽ. Kwa
pēr ãm kormã te
mẽ ate amnhĩ kaxyw
Tĩrtũm mẽ wa inhmã
ajamaxpēr tỳx kêt

pyràk. Hã na ka mẽ
amã ma xàj tee ri amnhĩ
kukamã ajamaxpēr. Anẽ.



Hãmri nhũm mẽ amnhĩ jaêr pê ã kot amnhĩ nhĩpêx
anhỹrja ã omu nẽ tee ri hamaxpêr nẽ axpẽn pumunh
pê omunh o kuhê. Hãmri nẽ axpẽn mã: —Kokỹỹ. Pêr
Jejus kêp mẽ panhĩõ hkê. Mẽ pahtõ kot pu we
te kot amnhĩ nhĩpêx pyrà nẽ kôk
mã pakapêr nhũm hpinhkrênh
kurê kumrêx? Nà
Jejusja mẽ pakurom
àhpumunh tỳx o
àhpumunh tỳx. Anẽ.



—Tĩrtũm kãm pika piitã hkõt mẽ apiitã
mẽ ajapê htỳx. Nẽ mẽ ajapê xàj na
pre ixpê Kra hã ixpyxi hã mẽ awỳr
inhmẽ. Ka mẽ atõ amnhĩ kaxyw
ixkõt ajamaxpěr nẽ ixkõt
amnhĩ xãm.



Hāmri nē nhỹrmã atyk tã nhũm Tĩrtũm
akupỹm ato atĩr ka wa ixkuri atĩr tũm
nē amex rãhã nē apa ho apa. Hāmri
nhũm Tĩrtũm aa amnhĩ nê nhỹhỹm
amẽnh kêt kumrẽx.



Römãn 3:23

No mẽ pahtõ na mẽ pahte Tĩrtũm mẽ Jejus wa uràk nẽ amnhĩ nhĩpêx mex rãhã ho ri papa? Nà amrakati kumrẽx. Mẽ pahpiitã mẽ pahte amnhĩ tomnuj xwỳnh kênã.

Römãn 6:23

Na hte mẽ kãm àpênh o ri mẽ pa xwỳnhjaja mẽ kãm mẽmoj tã apê nẽ àpênh pa nẽ hpãnhã amnhĩrer xà jamỳ. Ja pyrà nẽ koja mẽ kot amnhĩ tomnuj xwỳnhjaja nhỹrmã ty hãmri nẽ ma mẽ kot amnhĩ xà htỳx kamã hamak tũm xàta wỳr ma pa. No mẽ pahte amnhĩ kaxyw Jejus Kris kôt pajamaxpẽr xwỳnhjaja na hte Tĩrtũm ja hã mẽ pahpumu nẽ mẽ pajarẽnh o: —Nà ãm hãmri. Jajaja koja nhỹrmã Ixkra mẽ wa Ixkuri mex kumrẽx nẽ htĩr tũm nẽ pa ho pa. Hêxta waa nẽ. Nà ãm hãmri koja mẽ anẽ. Anẽ.



Xà tãm mẽ pahte amnhĩ nhĩpêx ã mẽ pahpumunh kôt
na hte ã mẽ pajarênh anê? Nà ãm mẽ pahte Kra Jejus
Kris kôt amnhĩ xunhwỳr ã mẽ pahpumunh kôt
pix mã na hte ã mẽ pajarênh anê.

Eprêw 9:27

ãm pahtyk tipxi htã koja Tĩrtũm nhỹrmã akupỹm mẽ
pahpiitã mẽ pahto pahtĩr nẽ ahpỹnhã tanhmã mẽ pajarênh
to nẽ ahpỹnhã tanhmã mẽ panhĩpêx to. Kormã mẽ pahtĩr
ri mẽ pahte amnhĩ nhĩpêx ã mẽ pahpumunh xà
hkôt tanhmã mẽ panhĩpêx to.

Epes 2:8,9

Xà na pu prem pahpê hkra hprãm xàj amnhĩ krã hkôt mẽ
papamjaja kãm tanhmã amnhĩ to mex to nẽ kãm: —E kwa
Tĩrtũm. Na pa ã amnhĩ to mex anê nẽ ã amnhĩ to mex anê.
Jakamã kwa ja hã ixpumu nẽ ixto akra nà? Anhỹr o
na pu prem amnhĩ to kuwỳ? John 3:16,17



Nà na pu prem ã amnhĩ to hwỳr anhỳr kêt nẽ. Na pu prem amnhĩ kaxyw hkôt pajamxpěr nẽ hkôt amnhĩ xunhwỳ nhũm ja pix ã mẽ pahpumunh kôt mẽ panê mẽ pahte amnhĩ tomnuj rê nẽ mẽ pahto hkra. Kãm mẽ pajapê nẽ mẽmoj to mẽ pakutã nojarêt rãhã ho pa jakamã na hte ã mẽ panhĩpêx mex anẽ. Jakamã na pu htem amnhĩ tã omu nẽ pajamxpěr o: —Nà na xep hte Tĩrtũmja mẽ pahte tanhmã amnhĩ nhĩpêx to ho papa hã mẽ pahpumunh kôt mẽ pahto hkra hkêt nẽ. ãm mẽ pahte amnhĩ kaxyw kãm pajamxpěr ã mẽ pahpumunh kôt pix mã na hte mẽ pahto hkra. Anẽ.

Rõmãn 10:9,10

—Kot ka mẽ atõ Jejus kêp anhõ Pahihti hã harẽ nẽ Tĩrtũm kot akupỹm ho htĩr kôt ajamxpěr. Hã koja Tĩrtũm ja hã apumu nẽ anê ate amnhĩ tomnuj o hapêx nẽ ato hkra. ãm ja pix ã mẽ pahpumunh kôt na hte mẽ pahto hkra. Anẽ.



Ně na pu htem mẽ pahkrãhi kaxwỳnh kãm amnhĩ kaxyw
Jejus mã pajamaxpěr. Ně mẽ pajakwa ho kệp mẽ panhõ
Pahihti hã harẽ. Hãmri nhũm Tĩrtũm ja hã mẽ pahpumu
nẽ amnhĩm mẽ pahte amnhĩ to mex xwỳnh
ã mẽ pajarẽ nẽ mẽ pahto hkra.

Juãw 3:16,17

—Tĩrtũm kãm pika piitã hkõt mẽ apiitã mẽ ajapê htỳx. Ně
mẽ ajapê xàj na pre ixpê Kra hã ixpyxi hã mẽ awỳr inhmẽ.
Ka mẽ atõ amnhĩ kaxyw ixkõt ajamaxpěr nẽ ixkõt amnhĩ
xãm. Hãmri nẽ nhỹrmã atyk tã nhũm Tĩrtũm akupỹm ato
atĩr ka wa ixkuri atĩr tũm nẽ amex rãhã nẽ apa ho apa.
Hãmri nhũm Tĩrtũm aa amnhĩ nê nhỹhỹm amẽnh kêt
kumrẽx. No mẽ ate amnhĩ tomnuj mỳrapê tanhmã ixte mẽ
anhĩpêx to kaxyw na pre mẽ awỳr inhmẽnh kêt nẽ. ãm
ixkukwak ri mẽ atĩr tũm nẽ mẽ amex rãhã apa ho apa
hprãm xàj na pre mẽ awỳr inhmẽ pa mẽ awỳr wrỳ.



Wam Juãw 5:11-13

E kot paj ixprĩ hã mẽ amã tanhmã ja jarẽnh to ka mẽ inhma. Nà na pre Tĩrtũm Krata mẽ pahpiitã panê ty. Jakamã kot puj mẽ pahte hkõt amnhĩ xunhwỳr xwỳnhjaja nhỹrmã ty nhũm Tĩrtũm akupỹm mẽ pahto mẽ pahtĩr. Pu mẽ wa kuri pamex nẽ pahtĩr tũm nẽ papa ho papa. Mẽ pahpê Jejus kwỳjaja kot puj mẽ ã pahtĩr tũm nẽ papa anẽ. No mẽ kêp hkwỳ hkêt xwỳnhjaja koja mẽ nhỹrmã ty nẽ mẽ pahpyrà nẽ wa hwỳr àpir kêt nẽ. Na ka prem ixpyrà nẽ amnhĩ kaxyw Tĩrtũm Kra hkõt ajamaxpěr nẽ hkõt amnhĩ xunhwỳ. Tã pa ã mẽ amã kagàja nhĩpêx anẽ. Mẽ ate kamã harẽnh nẽ mẽ pahte nhỹrmã Tĩrtũm mẽ Kra wa hwỳr mẽ paxàpir ã mẽ pajarẽnhja mar nẽ amnhĩ kaxyw hkõt ajamaxpěr o ri apa kaxyw nẽ kapěr prãr o ri apa hkêt nẽ.



Matêwre 8-9; Makre 1-2, 4; Rukre 4, 8; Juãw 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Apinayé Bible (apn) © 1999, Wycliffe Bible Translators, Inc.
All rights reserved.

<https://www.bible.com/bible/514/MAT.1>

©2024 Bible for Children, Inc.

www.M1914.org

www.bibleforchildren.org

